



Эхэ хайхан нютагаа эд хамта мандуулаа!

# БУРЯАД ҮНЭН

1921 оной  
декабриин 21-нээ  
гарана

Бүгэдэ  
арадай  
газетэ

1996  
ОКТАБРИИН  
9  
Намарай дунда улаагшан  
гахяа  
Һарын 27  
СРЕДА  
гарагай 4  
№193 (19533)  
Газетын сэн  
хэлсэтэ.

Таряа хуряалга-96

## ХАДАЛГА, ХУРЯАЛГАЯА НЭГЭ ЖЭГДЭЭР

Эдэ үдэрнүүдтэ манай аймагай таряалангууд дээрэ үснэ ургаса хадалга, хуряалга дүрэнтүү шахуу. Мүнөө жэлдэ таряанай ургаса муу бэшэшье наа, зарим тээгээ таряан набтар, эдөөшэлгэнь жэгдэ бэшэ. Жэгдэ эдөөшэлгэнь таряае хуряахада, бэлэн гүб наа.

Ургаһан ургасаяа ехээр гээлтэдэ оруулангүй абахын тула амьарлан хадаха, хуряаха хэрэг гараа. Сентябриин түрүүшын үдэрнүүдтэ Хамнин ажахынууд 26 гектар талмайда обёос, 27 гектарта шэниисэ хуряаха абаад байгаа һэн. Тус тустань 700-гад центнер шэниисэ болон обёос баал болгогдон

хадагдаа. Гектар бүриһөө эндэхи ажахынууд дунда зэргээр 26-27 центнер орооһо сохёо. Үшөө 504 гектар талмайһаа шэниисэ, 281 гектар талмайһаа обёос хуряагдаха. ЖВП-6 түхэлэй 11 комбайн таряа хадалганда хам оронхой. Дүршэлтэй комбайнернууд В. Тудупов, Н. Мункуев, А. Санжеев, Н. Цыбиков гэгшэд тэдэниие жолоодоно.

Бүргын ажахынууд сентябриин 2-ноо таряа хуряалгаяа эхилээд, 3 комбайн таряа хадалгада хабаадуулагданхай. Эндэ 80 гектар талмайда обёос хуряагдаха. Бэшэшье

ажажынууд таряа хуряалгада хам оронхой. Ургажа байһан ургаса үшөөл таряан бэшэ, харин тэрэнээ сэбэрлээд, амбаарта оруулагдаад байхадань, таряан гэжэ тоолохо гэшөө аабзабди.

Тиимэһээ мүнгэ алтанай дуталдажа байгаа энэ хүшэрхэн сагта хараалһанаа абажа, ерэхэ жэлэйнгээ үрэнэ хүсэд хаажа, зонойнгоо эдихэ таряа нөөсөлхые, ургаһан ургасаяа гээлтэ хоролтоггүйгөөр хуряажа абахые оролдохо болонобди.

**Б. ОЧИРОВ,**  
Захаминай аймагай хүдөө ажахын управлениин ахмад агроном.

"Буряад үнэн" - 97

## ҮРГЭН СЭДЬХЭЛТЭЙ ХУБУУД, БАСАГАД ОЛДОХОЛ!

"Буряад үнэн" газетэ түрэл хэлээ заадаг, мүн эхин классуудай багшанарта эгээ түрүүшын туһаламжа болоно. Түрэл газетын хуудануудһаа материалнуудые абажа, хурагшадаа хурганабди.

"Түрэл нютагтаа түрүү зэргэтэй", "Хүн ба байгааи", "Толи", "Буян" хууданууд бидэнэртэ, багшанарта, туһална. "Буряад үнэн" газетэ түрэлхи хэлэ хүгжөөнэ, баяжуулна. Мүнөө зарим залуушуул, дунда наһатайшуул ород буряадые холигорхёод бабаралдахадань, шэхэндэ харша, сэдьхэлдэ хүндэ болошодог. Түрэнэн хэлээ мартажа, төөрижэ ябаһан заримашуул буряад хэлээ нэргээжэ, бээ нэрюулжэ, "Буряад үнэн" газетэ захижа уншадаг болое! Иигэжэ ябаһаар буряад хүбүүд, басагад инаглан хөөрөлдэхэ ирагуу хайхан дуран сэдьхэлэй үгэнүүдые яажа мэдэрүүлхэ болоноб?

Бидэнэр, багшанар, саадай хүмүүжүүлэгшэд хуури байраа олохо ядангүй, үсэд нэтерүүгээр буряад хэлээ хүгжөөе, баяжуулаа! Минии ханахада, буряад хэлэнэй багшанар болон эхин классуудай багшанар "Буряад үнэн" газетэ захижа уялгатай. Буряад хэлэнэй, эхин классуудай багшанар, хүүгэдэй саадуудай хүмүүжүүлэгшэдэй буряад хэлэ ба литература хүгжөөхэ зорилгонуудта зоржуулжа, республикын багшанарай хурал зарлаха саг тулажа ерээ. Тус хурал дээрэ республикын дарганар хото болон хүдөө нютагуудай багшанарай ханамжануудые бүрихэжэ, тодорхой хэмжээ ябуулгануудые баталха болоно бшуу. Энэ хэрэгтэ буряад хэлэ бэшэгээр ажаллажа байһан эрдэмтэд тусгаар үүсхэл гаргаха ёһотой, уялгатай. Мүнөө "Буряад үнэн" газетэдэ 1997 оной захил үнгэргэгдэнэ. Бидэнэр Асагадай багшанар хэдэн һараар салингаа абаашегүй һаа, арга хургаяа бэдэржэ, Ж. Д. Чимитова, Р-Х. Ш. Жапова, О. И. Евсюкова, би өөрөө гээд ерэхээ байһан 1997 оной түрүүшын хахадта "Буряад үнэн" газетэдэ захил хэбэбди.

Тиихэдэ олон пенсионернууд "Үнэн" газетэ абадаг аад, ерэхэ жэлдэ захихань бэрхэтэй болоо. Юуб гэхэдэ, пенси аяар 2 һараар хожомдоно. Тиибэшье дүтэ айланууд хамтаран захил хэхэ арга олохоор. Тиихэдэ 6 һарада захил хэнгүй, харин 3 һарада сентябрь соо 23.000 түхэригөөр "Буряад үнэн" газетэдэ захил хэхэ баһа нэгэ арга боломжо байна.

Радио, телевидени дуулахада, харахада, түбэй газетэнүүд спонсорнуудай ашаар хэблэгдэнэ гэжэ ойлгохоор. Буряад угсаатанһаа ургаһан бэрхэ, шадамар хүбүүд, басагад нютаг нугынгаа үбгэд, хүгшэдтэ түрэл "Буряад үнэн" газетыень захижа, үбэлэй һүниин утаханда сэдьхэл бодольень баясуулыт! Бидэнэр булта хүдөөһөө ургажа гараһанаа бү мартаа!

Минии ханамжые "Буряад үнэн" газетын редакциин хүтэлбэрилэгшэд хам шүүрээд, аймаг болон нютагуудта "бүдүүн сарбуутаниие" түрэл газетэдэ захил хэлэгдэ эршэмтэйгээр хабаадуульхыень хүсэнэб. Би нёдондо жэлдэ барилдаагаар дэлхэйн чемпион Борис Будаев баян-голойхидтоо 50 хэнэг "Буряад үнэн" газетэ захижаар үүсхэл гаргаһые "Үнэндэ" уншаа һэм. Иимэрхүү үргэн сэдьхэлтэй хүбүүд, басагад ехэшье багашые хууринуудта олдохо.

Арад зондоо туһалһан спонсорнуудай хубитые "Үнэн" газетэ үргэн арад зоной урда үндэрөөр сэгнэжэ магтахань мэдээжэ.

Үргэн арад зоной урда магтуулаһаа ехэ буян дэлхэй дээрэ үгы гэжэ бидэнэр булта мэдэнэбди.

**Э-Д. ДОРЖИЕВА,**  
Асагадай дунда хургуулиин эхин классай багша.

## ПЕНСИИН ТООСООГООР

"Түхэниие социальна талаһаа хамгаалгын тургаануудай пенси түлэхэ талаар үриие түсэлдүүлгын тула Россин Федерациин пенсионно жасын Буряад Республикадахи отделениин нөөсэүүдые элсүүлхэ хэмжээнүүд тухай" Буряад Республикын Правительствын захиралта гаргагдаба. Тус захиралта соо наһанай амаралтада байгшадта пенсиин тоосоогоор худалдагдажа боломо түрүүшын хэрэглэмжын эдээ хоолой зүйлнүүд хэрэглэдэ.

Пенсионно жасын, үридэ ороһон

предприятиин ба худалдаа наймаанай эмсийн суг хамтын хэлсээнэй үндэһөөр эдээ хоолой эдэ зүйлнүүдтэ сэнгүүд тогтоогдохо. Тиихэдэ пенси абагшадтай тала баригдаха, гэхэ зуурадэлгүүрэй сэнгүүдхээ дээшхэ байха ёһогүй юм.

Пенсионернүүдтэ үгтэхэ түрүүшын хэрэглэмжын эдээ хоолой зүйлнүүдтэй тоодо саахар, сай, гурил, даһан, хүрпээ, макаронно зүйлнүүд, ургамалай тоһон, маргарин, һүн (хуурай ба консервированнэ) оролсоно.

Буряад Республикын Президентын ба Правительствын хэблэлэй албан.

Буряад арадай конгресстэ

## ЭМХИДХЭЛЭЙ ШАТА

Буряад арадай конгрессэй Улаан-Удэ Советскэ районной отделениие байгуулаха талаар конференци үнгэрбэ. Районной предприятинуудай, эмхи тургаануудай коллективүүдхээ ерэнэн үгээд делегатууд Буряадай эрдэмэй конгрессэй профессор Ш. Б. Доржиевай ба Буряад арадай конгрессэй советэй гэшүүн, "Нэгэдэл" газетэдэ хэлбэрилэгшэ В.А. Будаевай эмхидхэлүүдые шагнажа, ханамжануудаараа хубалдан байна.

Эмхидхэл зүбшэн хэлсэлгэдэ байһан Б. Ц. Дымбыров, А. Г. Садаева, В. В. Коногоров, Е. Д. Буцаева, Н. Ц. Сагаев, Б-М. Ж. Сагаев болон бусад үнгэрһэн зун байгуулагдан Буряад арадай конгрессэй ажал хэрэгүүдтэ үндэр үгээдэ үгөөд, республикын хургуудта, Улаан-Удэ хотодо, эрхлэһинүүдта, эмхи зургаануудта

конгрессэй эхин эмхинүүдые байгуулаха ажалые эдэбхитэйгээр ябуулаха шухала гэжэ тэмдэглэбэд. Мүнөө үедэ конгрессэй хүдэлмэрин гол түлэб эмхидхэлэй шатада байхада, эхин эмхинүүдые байгуулаха, оролтын ба гэшүүдэй түлбэрин мүнгэ суглуулха, ойлгууламжын хүдэлмэри үргэнөөр ябуулахаа эхилээд бусадшы асуудалнуудта анхаралаа хандуулжа байбашы, ниитэ энэ эмхингээ гол хараа бодолнуудые, шиндхэхэ асуудалнуудыень хойшонь болгожо байнгүй ходо урдаа табин хүдэлжэ байха ёһотойбди гэжэ конференцидэ хабаадагшад нэгэ ханамжатай байгаа.

— Мүнөө Советскэ райондо эрдэмдэг бээтэй 302 үхибүүд тоологдоно. Тэдэнэй 52 процентнь буряадууд. Сагай хүндэ болохо бүри үбшэн үхибүүдэй тоо нэмэнэ. Жэшэнь, үнгэрһэн 9 һарын дүнгөөр

Железнодорожно райондо эрдэмдэг бээтэй үхибүүдэй тоо 30 процентээр нэмээ. Үхибүүд манай ерээдүй. Тиимэһээ Буряад арадай конгресс энэ асуудалда онсо анхарал хандуула ёһотой, — гэжэ Советскэ районной социальна хамгаалгын таһагай хүдэлмэрилэгшэ Е. Ж. Щеголева хэлэһэн байна.

Конференцидэ хабаадагшад Буряад арадай конгрессэй Советскэ отделени байгуулаха гэжэ нэгэн ханамжатай байһанаа баталаад, тэрэнэй хүтэлбэрилхы правлени хунгаба. Правлениин түрүүлэгшээр Залуушуулай хэрэгүүдэй талаар гүрэнэй хорооной хүдэлмэрилэгшэ Наян Цырендоржиевич Сагаев хунгагдаа.

**В. ШАГАУРОВ.**

## ҮБЭЛЭЙ САГ ТУХАЙ

Байгша ондо бүхы Европодо адли Росси гүрэн үбэлэйнгөө сагта октябрь һарын һуулшын амаралтын үдэр орохо. Энээн тухай Россин Федерациин Сагай ба эталонно частотагай комисси мэдүүлбэ.

Энэ үдэр октябриин 27-до тудана. Тиимэһээ һүниин гурбан сагта часаймнай стрелкэнүүд нэгэ часаар хойшоо болгогдохо. "Сельская жизнь" газетэһээ абтаба.













